

# All in for Kids

*Txoj Kev Pab CLTS Tsev Neeg Tsab Ntawv Xov Xwm*

All in for Kids (Tag Nrho Rau Me Nyuam): Txoj Kev Pab CLTS yog ib tsab ntawv xov xwm sau los faj seeb qhia rau koj thiab koj lub tsev neeg txog cov kev pab txhawb thiab cov kev pab uas muaj nyob rau hauv Txoj Kev Pab CLTS. Tsab ntawv xov xwm yog sau tawm los ntawm Wisconsin Department of Health Services (Tuam Tsev Tswj Xyuas Cov Kev Kho Kab Mob Kev Nkeeg).



## **Cov Tswv Yim Lom Zem Rau Tsev Neeg Yav Caij Ntuj No** **(Summer Family Fun Ideas)**

Auv, caij ntuj so: Tsis kawm ntawv thiab cov hnuv ntej heev. Ntau cov neeg xav tias nws yog lub sij hawm zoo tshaj plaws hauv lub xyoo los sib sau ua ke nrog lub tsev neeg thiab cov phooj yim thiab muaj kev lom zem. Ntawm no yog qee cov kev sim ua si lwm zaus koj muaj ib hnuv tshav ntuj nrig uas tsis npaj muaj lwm yam ua:

- **Muab koj qab vag tsib taug ua ib lub tiaj ua si nrog dej**—Leej hais tias koj yuav tsum tau mus cuag ib lub pas dej puab los sis ib lub tiaj ua si nrog dej thiaj li yuav tau kev laj thaum yav caij ntuj so? Koj siv tau txoj hlua dej, khoom tsuag dej, lub pas dej yas, cov phom txau dej, los sis cov thoob los sis fwj dej los ua koj lub tiaj ua si nrog dej. Sim ntxiv cov npuas tshuab kom muaj kev lom zem ntxiv!
- **Ua kom sw nrog kev siv ntiv tes zas kob rau sab nraum zoov**—Kev zos kob nrog ntiv tes yog ib txoj kev zoo heev rau me nyuam ua kom lawv cov caj npab, tes thiab ntiv tes muaj zog. Ua rau sab

H

Cov ntaub ntawv muab sau rau hauv tsab ntawv xov xwm no yog tshaj tawm raws li Social Security Act (Txoj Cai Tswj Kev Ruaj Ntseg) § 1915(c) thiab 42 C.F.R. § 440.180.

nraum zoo thiab tsis tau tu heev tom qab tus me nyuam zas tag ib co duab zoo koj los dai rau ntawm tub txias rau khoom noj. Los sis pab lawv mus nrhiav cov pob ze loj sib txawv thiab zoo sib txawv koj los zas. Lawv puav leej zas tau kob rau qhov chaw nres tsheb!

- **Npaj mus noj haus tawm rooj**—Nqa koj lub tsev neeg cov khoom txom ncauj thiab cov dej haus uas lawv nyiam tsha thiab mus rau lub tiaj ua si los sis lub pas dej ze tshaj plaws mus noj haus tawm rooj. Nco qab ntsoov yees cov duab kom nco txog lub sij hawm zoo uas koj tau muaj!
- **Nrhiav cov huab uas sawv zoo sib txawv**—Nrhiav ib qho nyom zoo pw thiab saib nrhiav cov huab. Qhia kom tus me nyuam siv nws lub tswv yim xav thaum mus nrhiav thiab kom piav qhia cov lawv pom (tej zaum li cov tsiaj, cov ntsej muag, cov tsheb, cov tsev loj—tsis muaj ib yam yuav tsis yog). Nws lom zem kos raws cov huab saum ntuj thiab!

Qee cov tsev neeg yuav pom tias cov hnuv tsis muaj dab tsi ua yav caij ntuj so yog ib yam txawv zoo hauv lub xyoo kawm ntawv. Lwm cov yuav pom tias pab tau zoo yog lawv teev muaj sij hawm ua ub no txhua hnuv rau tus me nyuam. Qhov no yuav pab kom lawv npaj tias yuav muaj dab tsi ua txhua hnuv. Koj yeej siv tau cov duab los sis cov lo lus los qhia txog yam yuav tau ua thiab yam koj npaj rau hnuv ntawd. Nram no yog qhov qauv teev muaj txhua hnuv; koj teev tau cov kev ua ub no uas haum rau koj lub tsev neeg. ❖

## Sij Hawm Hnuv No

Sawv Ntxov	Tav Su	Hmo Ntuj
 <b>Noj tshais</b>	 <b>Noj sus</b>	 <b>Noj hmo</b>
 <b>Hnav khaub ncaws</b>	 <b>Pw so</b>	 <b>Caij da dej</b>
 <b>Txhuam hniav</b>	 <b>Kos duab thiab ua tej khoom zoo nkauj</b>	 <b>Txhuam hniav</b>
 <b>Mus ua si nraum zoov</b>	 <b>Ua si sab hauv tsev</b>	 <b>Nyeem ntawv</b>
 <b>Mus khw muas khoom noj khoom haus</b>	 <b>Khaws cov khoom ua si cia</b>	 <b>Caij pw</b>

Cov ntaub ntawv muab sau rau hauv tsab ntawv xov xwm no yog tshaj tawm raws li Social Security Act (Txoj Cai Tswj Kev Ruaj Ntseg) § 1915(c) thiab 42 C.F.R. § 440.180.

## Ceeb Toom Qhia Cov Xwm Txheej Pab Ceev Kom Cov Me Nyuam Nyab Xeeb

Txhua hnuv hauv lub neej, yeej muaj cov xwm txheej tshwm sim uas puas raug tus me nyuam txoj kev nyab xeeb. Koj yuav tau qhia txog cov xwm txheej rau Txoj Kev Pab Children's Long-Term Support (Txhawb Rau Me Nyuam Mus Ntev) (CLTS) tus support and service coordinator (thawj tswj xyuas kev txhawb thiab kev pab) (SSC). Kev ceeb toom qhia xwm txheej yuav pab ceev kom tus me nyuam nyab xeeb thiab cheem kom txhob tshwm sim dua.

### Qhov xwm txheej yog dab tsi?

Ib qho xwm txheej yog li ib qhov kev tshwm sim los sis zwj ceeb uas tsim muaj teeb meem los sis kev raug mob rau tus me nyuam lub cev ntaj ntsug:

- Kev noj qab haus huv ntawm lub cev.
- Kev noj qab haus huv ntawm siab ntsws.
- Kev nyab xeeb.
- Kev noj qab nyob zoo.

Ib qho xwm txheej yog ib qhov kev tshwm sim uas:

- Tau muaj lawm.
- Tau ntshai los sis xav tias yuav muaj.
- Hem yuav muaj.

### Kuv yuav ceeb toom qhia ib qho xwm txheej li cas?

Hu rau tus SSC sai li sai tau mus ceeb toom qhia qhov xwm txheej. Kev ceeb toom qhia qhov xwm txheej sai li sai tau yuav pab tus me nyuam thiab koj lub tsev neeg kom tau cov kev pab txhawb thiab kev pab uas yuav tau muaj los ceev tus me nyuam kom nyab xeeb.

Yog tias koj tsis paub tseeb seb puas yuav tau ceeb toom ib qho xwm txheej, thov nug tus SSC kom pab. Cov qauv xwm txheej yuav tau ceeb toom yog thaum twg tus me nyuam:

- Raug los sis xav tias raug tsim txom, tsis saib xyuas, los sis thuum.
- Raug khi ceev los ntawm tus neeg muab kev pab hauv Txoj Kev Pab CLTS.
- Xav txov tus kheej siav thiab raug mus pw hauv tuam tsev kho mob.
- Muab qhov tshuaj yuam kev rau tus me nyuam thiab raug mus pw hauv tuam tsev kho mob.
- Tau muaj kev sib cuag nrog tub ceev xwm.

Xav paub ntiv txog kev ceeb toom qhia xwm txheej, mus rau Family Guide to Incident Reporting (Cov Lus Coj Qhia Tsev Neeg Ceeb Toom Xwm Txheej) ntawm [www.dhs.wisconsin.gov/library/p-00069a.htm](http://www.dhs.wisconsin.gov/library/p-00069a.htm).

Muaj sau ua Lus Askiv, Lus Mev thiab Lus Hmoob. ❖

## KOOM KOM TXAIS TAU PEB COV NTAWV EMAIL

Kom tau txais ceev dua, rau npe kom tau tsab ntawv xov xwm no hauv tshuab hluav taws xob thiab lwm cov ntawv email txog Txoj Kev Pab CLTS. Mus rau [public.govdelivery.com/accounts/WIDHS/subscriber/new?topic\\_id=WIDHS\\_554](http://public.govdelivery.com/accounts/WIDHS/subscriber/new?topic_id=WIDHS_554).

Koj puav leej rau npe kom tau DHS lwm cov ntawv email txog long-term care program (txoj kev pab tu xyuas mus ntev) ntawm [www.dhs.wisconsin.gov/dms/ltc-email-signup.htm](http://www.dhs.wisconsin.gov/dms/ltc-email-signup.htm). Tso siab lug qhia yog koj muaj cov phooj ywg los sis tsev neeg uas yuav txaus siab tau tsab ntawv xov xwm los sis Txoj Kev Pab CLTS.

Cov ntaub ntawv muab sau rau hauv tsab ntawv xov xwm no yog tshaj tawm raws li Social Security Act (Txoj Cai Tswj Kev Ruaj Ntseg) § 1915(c) thiab 42 C.F.R. § 440.180.

## Yuav Kheev Muaj Cov Kev Pab Ntawm CLTS Ua Lus Hais Nkaus Xwb Mus Li

Vim yog tus kab mob kis thoob ntiaj teb COVID-19, thiaj li tau kheev muaj ntau cov kev pab ntawm Txoj Kev Pab CLTS thaum nyob sib nrug deb mus ib ntus (kev siv cov tooj xov tooj, cov tshuab computer, los sis lwm cov khoom cuab yeej) uas tsis yog tim ntsej tim muag. Qhov no tau pab kom cov tsev neeg thiab cov neeg muab kev pab nyob nyab xeeb thiab muaj kev sib cuag. Muaj cov tsev neeg thiab cov neeg muab kev tu xyuas puav leej pom tias nws ua rau lawv cov kev ua neeg thiab cov sij hawm yooj yim dua. Vim yog li no, Txoj Kev Pab CLTS yuav kheev cov tsev neeg tau cov kev pab thiab kev txhawb nyob sib nrug deb mus twj ywm tom qab tus kab mob kis thoob ntiaj teb tsis muaj lawm. Puav leej yuav muaj cov kev pab tim ntsej tim muag yog tias koj xav tau.

Yuav kheev muab cov kev pab txawv raws li cov hom kev pab sib txawv:

- **Ua suab lus thiab duab viv dis aus:** Koj thiab tus neeg muab kev pab puav leej siv tau qhov cuab yeej hais ua suab lus **thiab** pom duab viv dis aus kom muaj sib cuag. Piv txwv, koj siv tau lub xov tooj ntse los sis lub tshuab computer los sib tham hauv duab viv dis aus. Koj yuav nrhiav tau ncauj lus ntxiv txog cov kev pab no ntawm [www.dhs.wisconsin.gov/library/akids21.htm](http://www.dhs.wisconsin.gov/library/akids21.htm). Nias rau qhov chaw txuas rau tsab xov xwm sau tawm thaum Ob Hlis Ntuj 2021 ntawm All in for Kids (Tag Nrho Rau Me Nyuam), ces mus rau “Remote Children’s Long-Term Support Services (Txoj Kev Pab Txhawb Rau Me Nyuam Mus Ntev Cov Kev Pab Muab Nyob Sib Nrug Deb)” ntawm nplooj 4.
- **Ua suab lus nkaus xwb:** Qhov no txhais tau tias koj, tus me nyuam, tus neeg muab kev pab yuav ib tug hnov ib tug hais lus tiam sis tsis pom duab viv dis aus. Piv txwv, hu tsab xov tooj. Qhov no yog ib txoj kev tshiab kheev siv los muab cov kev pab.

Cov kev pab ua luab lus nkaus xwb yuav xaus tom qab tus kab mob kis thoob ntiaj teb xaus yuav muaj xws li:

- Tshuab pab txhawb
- Kev pab rau txoj kev txuas lus txuam nrog lub zej zog
- Kev sib tw ua hauj lwm hauv zej zog/sib txuam
- Cov kev pab txhawb zog siab thiab kev kho kom xis nyob
- Kev cob qhia cov txuj ci ua ub ua no hauv txhua hnub
- Kev txhawb zog thiab cov kev txhawb rau tus kheej kev peev xwm
- Cov kev pab txhawb thiab kev pab rau lub tsev neeg/neeg zov tu tsis tau nyiaj them

Xav tau cov lus piav qhia txog cov kev pab txhawb thiab cov kev pab tu xyuas, mus rau Txoj Kev Pab CLTS Supports and Services at a Glance (Cov Kev Pab Txhawb thiab Pab Tu Xyuas hauv nplooj) ntawv Saib Ib Muag ntawm [www.dhs.wisconsin.gov/library/p-02570.htm](http://www.dhs.wisconsin.gov/library/p-02570.htm).

## COV TSEV NEEG THOV KEV TXIAV TXIM DUA TAU

Tib neeg yeej muaj cov kev xav sib txawv ntawm ib lub sij hawm rau ib lub. Tib neeg txawm yuav ua zoo npaum li lawv ua tau los yeej tseem muaj kev tsis sib pom zoo. Txhua lub tsev neeg yeej muaj txoj cai tau kev txiav txim dua txog cov kev pab txhawb thiab cov kev pab hauv Division of Hearings and Appeals (Fab Tswj Xyuas Cov Rooj Sib Hais thiab Kev Rov Txiaiv Txim Dua). Koj yeej siv tau tsab ntawv thov tau lub rooj sib hais ntawm [doa.wi.gov/Pages/LicensesHearings/DHAWorkandFamilyServicesUnit.aspx](http://doa.wi.gov/Pages/LicensesHearings/DHAWorkandFamilyServicesUnit.aspx) los sis kev sau ib daim ntawv. Xa koj tsab ntawv los sis daim ntawv sau mus rau: DHA, P.O. Box 7875, Madison, WI 53707-7875. Yuav tsis saib txoj kev thov txiav txim dua ua ib yam tsis zoo. Nws tsuas yog ib txoj kev daws cov kev sib txawv xwb.

Cov ntaub ntawv muab sau rau hauv tsab ntawv xov xwm no yog tshaj tawm raws li Social Security Act (Txoj Cai Tswj Kev Ruaj Ntseg) § 1915(c) thiab 42 C.F.R. § 440.180.

Yog tias koj lub tsev neeg tus neeg muab CLTS cov kev pab ua suab lus nkaus xwb, koj yuav siv tau lawv yog:

- Koj thiab koj tus neeg muab kev pab pom zoo tias cov kev pab ua suab lus nkaus xwb yeej zoo sib npaug li cov kev pab tim ntsej tim muag.
- Koj muaj qhov khoom cuab yeej thiab tshuab hluav taws xob los sib txuas lus nrog tus neeg muab kev pab (piv txwv, lub xov tooj thiab xaim xov tooj). **Faj seeb:** Txoj Kev Pab CLTS cov cuab yeej sib tham hauv tshuab thiab cov kev pab txhawb tshiab yuav pab tau koj mus muab qee cov khoom cuab yeej los sis kev pab los siv rau cov kev ua suab lus pab nkaus xwb. Tham nrog tus SSC kom paub meej ntxiv.
- Koj muab ntawv tso cai rau tus neeg muab kev pab. Ib txwm mas tus neeg muab kev pab yuav muab tsab ntawv tso cai rau koj kom lis qhov noj tau ceev thiab yooj yim. ❖

## **Yuav Los Tom Ntej Sai: Phau Qhia CLTS Program (Txoj Kev Pab CLTS) Kws Muab Kev Pab Zoo Dua Ntxiv**

Yuav muab Txoj Kev Pab CLTS phau ntawv qhia kws muab kev pab saum huab cua kho tshiab yav lig thaum lub caij ntuj so no. Nws yuav zoo txawv thiab muaj qee cov kev txhim kho zoo dua ntxiv:

- Koj yuav muaj peev xwm tshawb nrhiav cov neeg muab kev pab raws lawv nyob kev deb npaum cas ntawm ib qho chaw nyob. Qhov no yuav ua kom nrhiav yooj yim tau neeg muab kev pab nyob ze dua ntawm koj tsev, chaw hauj lwm, los sis lwm qhov chaw nyob.
- Yuav nrhiav tau tus neeg muab kev pab cov chaw teeb qhia los sis cim rau hauv duab qhia ke.
- Koj yuav luam tawm tau cov koj tshawb nrhiav.

Peb vam tias cov kev hloov noj yuav ua rau kom phau ntawv pab tau zoo dua thiab yooj yim siv dua. Yuav nrhiav tau phau qhia ntawm [www.dhs.wisconsin.gov/clts/find-service.htm](http://www.dhs.wisconsin.gov/clts/find-service.htm). Yav lig thaum lub caij ntuj so no, rov tuaj sim cov kev txhim kho tshiab!

## **Cov Chaw Muaj Kev Pab Zoo rau Cov Tsev Neeg**

Cov ncauj lus tshiab tshaj plaws txog COVID-19 hauv Wisconsin, nrog rau cov ncauj lus txog tshuaj tiv thaiv kab mob rau cov me nyuam, cov tshuaj tiv thaiv kab mob txhawb, thiab kev ntsuas kab mob: [www.dhs.wisconsin.gov/covid-19/index.htm](http://www.dhs.wisconsin.gov/covid-19/index.htm)

Txhua tus muaj hnuv nyooog 5 xyoos thiab loj dua yua txhaj dawb tau qhov tshuaj tiv thaiv kab mob COVID-19. Nrhiav kom paub ntawm: [www.dhs.wisconsin.gov/covid-19/vaccine-get.htm](http://www.dhs.wisconsin.gov/covid-19/vaccine-get.htm)

## **H AIS KOM NCO TXOG**

CLTS phau qhia neeg muab kev pab yog cov ncauj lus qhia txog neeg muab kev pab uas yooj yim rau siv tau. Nws cov cuab yeej tshawb nrhiav ib tug neeg muab kev pab yuav ceev thiab yooj yim.

Cov ntaub ntawv muab sau rau hauv tsab ntawv xov xwm no yog tshaj tawm raws li Social Security Act (Txoj Cai Tswj Kev Ruaj Ntseg) § 1915(c) thiab 42 C.F.R. § 440.180.

Ncauj lus txog cov tshuaj tiv thaiv kab mob COVID-19 txhawb rau cov neeg muaj hnub nyoog 12 xyoos thiab loj dua:

[www.dhs.wisconsin.gov/covid-19/vaccine-dose.htm](http://www.dhs.wisconsin.gov/covid-19/vaccine-dose.htm)

Tiv thaiv cov me nyuam muaj 2 xyoos thiab loj dua ntawm tus kab mob COVID-19 los ntawm kev looj daim ntaub khwb ntsej muag.

Kawm tau ntxiv ntawm:

[www.dhs.wisconsin.gov/covid-19/parents.htm](http://www.dhs.wisconsin.gov/covid-19/parents.htm)

Cov tswv yim rau kev sib tham txog cov tshuaj tiv thaiv kab mob COVID-19 nrog lub tsev neeg thiab cov phooj ywg:

[www.dhs.wisconsin.gov/covid-19/vaccine-talk.htm](http://www.dhs.wisconsin.gov/covid-19/vaccine-talk.htm)

Muaj cov tswv yim tu tub kis rau thaum cov caij ntxhov siab los ntawm Wisconsin Office of Children's Mental Health (Cov Kev Kho Puas Siab Ntsws Puas Hlwb Rau Me Nyuam), xws li cov viv dis aus luv thiab cov ntawv tshaj xo sau ua Lus Askiv thiab Lus Mev:

[children.wi.gov/Pages/TrainingsVideos/Parenting.aspx](http://children.wi.gov/Pages/TrainingsVideos/Parenting.aspx)

Cov ntawv xov xwm All in for Kids (Tag Nrho Rau Me Nyuam) yav dhau los: Txoj Kev Pab CLTS:

[www.dhs.wisconsin.gov/clts/waiver/family/index.htm](http://www.dhs.wisconsin.gov/clts/waiver/family/index.htm) (Rub rov hauv mus rau ntu Cov Chaw Muaj Kev Pab.)

## NCAUJ LUS RAU KOJ

Kev txhaj tshuaj tiv thaiv kab mob yog txoj kev tiv thaiv tau COVID-19 zoo tshaj plaws. Koj puav leej pab cheem tau txoj kev sib kis kab mob los ntawm:

- Looj daim ntaub khwb ntsej muag hauv cov tsheb thauj neeg pej xeeb los sis ntawm cov chaw muaj neeg sib sau ua ke ti. Koj yeej looj tau daim ntaub khwb ntsej muag txawm yog tsis yuam kom looj.
- Nyob twj ywm hauv tsev thaum mob.
- Mus ntsuas kab mob yog koj muaj cov kev mob tshwm sim los sis tom qab nyob sib ze nrog ib tug neeg uas muaj tus kab mob COVID-19.

Cov ntaub ntawv muab sau rau hauv tsab ntawv xov xwm no yog tshaj tawm raws li Social Security Act (Txoj Cai Tswj Kev Ruaj Ntseg) § 1915(c) thiab 42 C.F.R. § 440.180.



All in for Kids (Tag Nrho Rau Me Nyuam): Txoj Kev Pab CLTS yog ib tsab ntawv xov xwm sau tawm los ntawm Wisconsin Department of Health Services (Tuam Tsev Tswj Xyuas Cov Kev Kho Kab Mob Kev Nkeeg) cov me nyuam thiab cov tsev neeg nyob rau hauv Txoj Kev Pab CLTS.

Txoj Kev Pab CLTS siv cov nyiaj ntawm Medicaid txhawb rau pab txhawb cov me nyuam yaus uas muaj kev tsis taus rau qee yam ntawm lub cev vim loj hlob qeeb, lub cev tsis taus, los sis puas hlwb uas nyob rau hauv tsev los sis hauv lub zos. Tej zaum yuav siv nyiaj pab txhawb rau ntau hom kev pab raws li kev ntsuas tus me nyuam thiab tsev neeg cov kev tu ncau tshwj xeeb thiab cov hom phiaj los sis cov xav ua tau uas paub txog. Xav paub ntxiv, mus xyuas [www.dhs.wisconsin.gov/children/index.htm](http://www.dhs.wisconsin.gov/children/index.htm).

Para leer este boletín en español, visite [www.dhs.wisconsin.gov/library/akids22.htm](http://www.dhs.wisconsin.gov/library/akids22.htm).

Xav nyeem tsab ntawv xov xwm no ua Lus Hmoob, mus xyuas [www.dhs.wisconsin.gov/library/akids22.htm](http://www.dhs.wisconsin.gov/library/akids22.htm).

Rau lwm cov lus (繁體中文, 简体中文, Deutsch, العربية, русский, 한국어, Tiếng Việt, Deutsch, မာလာလာ, Français, Polski, हिंदी, Shqip, Tagalog, Soomaali): 608-266-8560.